

讀史兵略續編卷九

益陽胡林翼纂

樂山王兆涵謹校

明史○太祖洪武元年太祖既平方國珍卽發兵伐陳友定將軍胡廷美何文輝由江西趨杉關湯和廖永忠由明州海道取福州李文忠由浦城取建甯而別遣使至延平招諭友定友定置酒大會諸將及賓客殺明使者瀝其血酒甕中與眾酌飲之酒酣誓於眾曰吾曹並受元厚恩有不以死拒者身磔妻子戮遂往福州環城作壘距壘五十步輒築一臺嚴兵爲拒守計已而聞杉關破急分軍爲二以一軍守福而自帥一軍守延平以相犄角及湯和等舟師抵福之五虎門平章曲出引兵逆戰敗明兵緣南臺蟻附登城守將遁去參政尹克仁宣政使朵耳麻不屈死僉院柏帖木兒積薪樓下殺妻妾及二女縱火自焚死

廷美克建甯湯和進攻延平友定欲以持久困之諸將請出戰

不許數請不已友定疑所部將叛殺蕭院判軍士多出降者會

軍器局災城中礮聲震地明師知有變急攻城友定呼其屬訣

曰大事已去吾一死報國諸君努力因退入省堂衣冠北面再

拜仰藥死所部爭開城門納明師師入趨視之猶未絕也昇出

水東門適天大雷雨友定復甦械送京師入見帝詰之友定厲

聲曰國破家亡死耳尙何言遂併其子海殺之

杉關在光澤縣西北九十里江

西建昌府東百二十里也明州今甯波府浦城縣在建甯府東

北二百七十里延平府在建甯西南百三十里五虎門在福州

東百里海中有五虎召諸將議北征太祖曰山東則王宣反側

山閩江入海處也河南則擴廓跋扈關隴則李思齊張思道梟張猜忌元祚將亡

中原塗炭今將北伐拯生民於水火何以決勝常遇春對曰以

我百逸之卒直擣元都破竹之勢也太祖曰元建國百年守備

必固懸軍深入餽餉不前援兵四集危道也吾欲先取山東撤
彼屏蔽移兵兩河破其藩籬拔潼關而守之扼其戶檻天下形
勝入我掌握然後進兵元都勢孤援絕不戰自克鼓行而西雲
中九原關隴可席卷也諸將皆曰善

帝諭徐達等曰中原之民久爲羣雄所苦流離相望故命將北
征拯民水火元祖宗功德在人其子孫罔恤民隱天厭棄之君
則有罪民復何辜前代革命之際肆行屠戮違天虐民朕實不
忍諸將克城毋肆焚掠妄殺人元之宗戚咸俾保全庶幾上答
天心下慰人望以副朕伐罪安民之意不恭命者罰無赦

太祖幸汴梁召徐達詣行在所置酒勞之且謀北伐之策達對
曰今大軍平齊魯掃河洛王保保逡巡觀望潼關旣克思齊輩
狼狽西奔元聲援已絕今乘勢直擣元都可不戰有也帝曰善

達復進曰元都克而其主北走將窮追之乎帝曰元運衰矣行
自漸滅不煩窮兵出塞之後固守封疆防其侵軼可也達頓首

受命

王保保即擴廓帖木兒也

常遇春與大將軍徐達攻太原擴廓帖木兒來援遇春言於達
曰我騎兵雖集步卒未至驟與戰必多殺傷夜劫之可得志達
曰善會擴廓部將豁鼻馬來約降且請爲內應乃選精騎夜銜
枚往襲擴廓方燃燭治軍書倉卒不知所出蹠一足乘孱馬以
十八騎走大同豁鼻馬降得甲士四萬遂克太原

太原今太原府大同府在

其北擴廓帖木兒元將王保保也

四年傅友德充征虜前將軍與征西將軍湯和分道伐蜀和帥
廖永忠等以舟師攻瞿塘友德帥顧時等以步騎出秦隴太祖
諭友德曰蜀人聞我西伐必悉精銳東守瞿塘北阻金牛以抗

我師若出不意直擣階文門戶旣墮腹心自潰兵貴神速患不
勇耳友德疾馳至陝集諸軍聲言出金牛而潛引兵趨陳倉攀
援巖谷晝夜行抵階州敗蜀將丁世珍克其城蜀人斷白龍江
橋友德修橋以渡破五里關遂拔文州渡白水江趨緜州時漢
江水漲不得渡伐木造戰艦欲以軍聲通瞿塘乃削木爲牌數
千書克階文綿日月投漢水順流下蜀守者見之皆解體初蜀
人聞大軍西征丞相戴壽等果悉眾守瞿塘及聞友德破階文
擣江油始分兵援漢州以保成都未至友德已破其守將向大
亨於城下謂將士曰援師遠來聞大亨破已膽落無能爲也迎
繫大敗之遂拔漢州進圍成都壽等以象戰友德令强弩火器
衝之身中流矢不退將士殊死戰象反走躡藉死者甚眾壽等
聞其主明昇已降乃籍府庫倉廩面縛詣軍門成都平分兵徇

州邑未下者克保甯執吳友仁送京師蜀地悉定友德之攻漢

州也湯和尚頓軍大溪口既於江流得木牌乃進師而戴壽等

撤其精兵西救漢州畱老弱守瞿塘故永忠等得乘勝擣重慶

降明昇於是太祖製平西蜀文盛稱友德功爲第一

瞿塘峽在奉節縣東

卽廣溪峽也金牛在甯羗州東北陳倉今寶雞縣在甯羗州東

北階州在寶雞縣西南白龍江卽岷江在階州南五里關又在

其南文中今日文縣白水江在其南其西南由平武江油而至

縣州漢水卽嘉陵江非友德軍行所經蓋投枓涪江使州嘉陵

入大江爾漢州又在縣州西南南至成都僅九十里大溪

口在夔州城東卽大瀼水口也入江處卽瞿塘之隘預堆

廖永思以征西副將軍從湯和帥舟師伐蜀和駐大溪口永忠

先發及舊夔府破守將鄒興等兵進至瞿塘關山峻水急蜀人

設鐵鎖橋橫據關口舟不得進永忠密遣數百人持糗糧水筒

舁小舟踰山渡關出其上流蜀山多草木令將士皆衣青蓑衣

魚貫走崖石間度已至帥精銳出墨葉渡夜五鼓分兩軍攻其

水陸寨水軍皆以鐵裹船頭置火器而前黎明蜀人始覺盡銳
來拒永忠已破其六寨會將士舁舟出江者一時並發上下夾
攻大破之鄒興死遂焚三橋斷橫江鐵索禽同僉蔣達等八十
餘人飛天張鐵頭張等皆遁去遂入夔府明日和始至乃與和
分道進期會於重慶永忠帥舟師直擣重慶次銅鑼峽蜀主明
昇請降永忠以和未至辭俟和至乃受降承制撫慰下令禁侵
掠卒取民七茹立斬之慰安戴壽向大亨等家令其子弟持書
往成都招諭壽等已爲傅友德所敗及得書遂降蜀地悉平

峽在重

慶府東

五年李文忠以左副將軍由東道北征出居庸趨和林至口溫
元人遁進至臚胸河令部將韓政等守輜重而自帥大軍人齎
二十日糧疾馳至土刺河元太師蠻子哈刺章悉眾渡河列騎

以待文忠引軍薄之敵稍卻至阿魯渾河敵來益眾文忠馬中
流矢下馬持短兵鬪指揮李榮以所乘馬授文忠而自奪敵馬
乘之文忠得馬益殊死戰遂破敵虜獲萬計追奔至稱海敵兵
復大集文忠乃斂兵據險椎牛饗士縱所獲馬畜於野敵疑有
伏稍稍引去文忠亦引還失故道至桑哥兒麻乏水渴甚禱於
天所乘馬跑地泉湧出三軍皆給乃刑牲以祭遂還是役也兩
軍勝負相當而宣甯侯曹良臣指揮使周顯常榮張耀俱戰死
以故賞不行

和林元舊都在今三音諾顏部額魯特前旗南塔米爾河之南濟爾瑪臺河之北鄂爾坤河之西口

溫當作可溫河名也在克西克騰西北近瀚海地臚胸河今略魯倫河土刺河即土拉河在今庫倫南阿魯渾河即鄂爾坤河稱海即鎮海疑今烏里雅蘇臺也桑哥兒麻今土謝圖旗左翼中左旗北轟郭爾山也

十三年命沐英總陝西兵出塞略亦集乃路渡黃河登賀蘭山
涉流沙七日至其境分四翼夜擊之而自以驍騎衝其中堅禽

脫火赤及知院愛足等獲其全部以歸

亦集乃路今甯夏府也黃河在其東南賀蘭山

在其西時脫火赤屯和林也

十四年尋拜征南右副將軍沐英同永昌侯藍玉從將軍傅友德取雲南元梁王遣平章達里麻以兵十餘萬拒於曲靖英乘霧趨白石江霧霽兩軍相望達里麻大驚友德欲渡江英曰我兵罷懼爲所扼乃帥諸軍嚴陳若將渡者而奇兵從下流濟出其陳後張疑幟山谷間人吹一銅角元兵驚擾英急麾軍渡江以善泅者先之長刀斫其軍軍卻師畢濟鏖戰良久復縱鐵騎遂大敗之生禽達里麻僵屍十餘里長驅入雲南梁王走死右丞觀音保以城降屬郡皆下獨大理倚點蒼山洱海扼龍首龍尾二關關故南詔築土酋段世守之英自將抵下關遣王弼由洱水東趨上關胡海由石門間道渡河扳點蒼山而上立旗幟

英亂流斬關進山上軍亦馳下夾擊禽段世遂拔大理分兵收

未附諸蠻設官立衛守之回軍與友德會滇池分道平烏撒東

川建昌芒部諸蠻立烏撒畢節二衛土酋楊苴等復煽諸蠻二

十餘萬圍雲南城英馳救蠻潰竄山谷中分兵捕滅之斬級六

萬明年詔友德及玉班師而畱英鎮滇中

唐以前據雲南者皆居大理故由川西入

滇元梁王把匝剌瓦爾密據中慶路今雲南府也故自曲靖入

滇曲靖距雲南府僅二百餘里也白石江源尋甸州東逕曲靖

府北東入入達河大理在雲南之西入百九十里點蒼山在府

城西洱海在府城東即葉榆水也點蒼山十八川之水皆會於

此而南入樣備江龍首關在府北七十里即土關亦曰石門關

龍尾關在府南三十里即下關石門間道上關北山路也烏撒

今威甯州東川今爲府建昌今甯遠府

芒部今鎮雄州畢節今爲縣屬大定府

十七年倭寇上海帝患之顧謂湯和曰卿雖老強爲朕一行和

請與方鳴謙俱鳴謙國珍從子也習海事帝訪以禦倭策鳴謙

曰倭海上來則上海禦之耳請量地遠近置衛所陸聚步兵水

具戰艦則倭不得入入亦不得傳岸近海民四丁籍一以爲軍
戍守之可無煩客兵也帝以爲然和乃度地浙西東並海設衛
所城五十有九選丁壯三萬五千人築之盡發州縣錢及籍罪
人賞給役役夫往往過望而民不能無擾浙人頗苦之或謂和
曰民譟矣柰何和曰成遠算者不恤近怨任大事者不顧細謹
復有譟者齒吾劍踰年而城成稽軍次定考格立賞令浙東民
四丁以上者戶取一丁戍之凡得五萬八千七百餘人明年閩
中並海城工竣和還報命按明史兵志載左軍都督所轄浙江
紹興海甯昌國溫州臨山松門金鄉海門定海盤石觀海諸衛
海甯衛州嚴州湖州金華澈浦乍浦三江定海新河挑渚健跳
三山大高鄞甯龍山石浦前後爵溪錢倉水軍新河挑渚健跳
隘頭楚門平陽瑞安海安蒲門壯士沙團蒲岐甯村新城諸千
戶所地理志定海有穿山及舟山中左臨海有臨海前樂清
有盤石諸千戶所凡五十六其三未聞因關海防故詳著之

二十年潯州知府沈信言府境接連柳象梧藤等州山谿險峻

猺賊出沒不常近者廣西布政司參議楊敬恭爲大亨老鼠羅碌山生猺所殺官軍討之賊登巖攀樹捷如猿狖追襲不及若久駐兵則瘴癘時發兵多疾疫又難進取兵退復出爲患臣以爲桂平平南二縣舊附猺民皆便習弓弩慣歷險阻若選其少壯千餘人免其差徭給以軍器衣裝俾各團村寨置烽火與官兵相爲聲援協同捕逐可以殲之帝以蠻夷梗化夙昔固然但當謹其防禦使不爲寇不已則發兵討之何必團寨

藍玉從大將軍馮勝征納哈出次通州聞元兵有屯慶州者玉乘大雪帥輕騎襲破之殺平章果來禽其子不蘭溪還會大軍進至金山納哈出遣使詣大將軍營納款玉往受降納哈出以數百騎至玉大喜飲以酒納哈出酌酒酬玉玉解衣衣之曰請服此而飲納哈出不肯服玉亦不飲爭讓久之納哈出覆酒於

地顧其下咄咄語將脫去鄭國公常茂在坐直前砍傷之都督耿忠擁以見勝其眾驚潰遣降將觀童諭降之還至亦迷河悉降其餘眾會馮勝有罪收大將軍印命玉行總兵官事尋卽軍中拜玉爲大將軍移屯薊州時順帝孫脫古思帖木兒嗣立擾塞上二十一年三月命玉帥師十五萬征之出大甯至慶州謀知元主在捕魚兒海間道兼程進至百眼井去海四十里不見敵欲引還定遠侯王弼曰吾輩提十餘萬眾深入漠北無所得遽班師何以復命玉曰然令軍士穴地而爨毋見煙火乘夜至海南敵營尙在海東北八十餘里玉令弼爲前鋒疾馳薄其營敵謂我軍乏水草不能深入一以備又大風揚沙晝晦軍行敵無所覺猝至前大驚迎戰敗之殺太尉蠻子等降其眾元主與太子天保奴數十騎遁去玉以精騎追之不及獲其次子地保

奴妃公主以下百餘人

慶州在巴林旗西北百三十里金山今清金山在旗北七十里亦迷河今衣爾

都黑河在克西克騰旗西北六十五里東入潢水者也大甯今喀喇沁旗界捕魚兒海在克西克騰旗西北百七十里今日達爾泊百眼井疑今烏東圖庫勒泊在旗西百三十里

二十一年永甯宣慰司言所轄地有百九十灘其八十餘灘道梗不利詔震疏治之震至瀘州按視有支河通永甯乃鑿石削崖令深廣以通漕運又闢陸路作驛舍郵亭駕橋立棧自茂州一道至松潘一道至貴州以達保甯先是行人許穆言松州地磽瘠不宜屯種戍卒三千糧運不給請移戍茂州俾就近屯田帝以松州控制西番不可動至是運道既通松潘遂爲重鎮帝嘉其勞踰年復奏四事一請於雲南大甯境就井煮鹽募商輸粟以贍邊一令商人粟雲南建昌給以重慶綦江市馬之引一請蠲馬湖逋租一施州衛軍儲仰給湖廣沂江險遠請以重慶

粟順流輸之皆報可

震曹震也由成都至永甯由瀘州之水道九十九灘瀘州永甯河也河有東西二源

未審何爲支河也

二源合於永甯城北松州卽松藩廳大甯按

食貨志作安甯地理志雲南府安甯州有煎鹽水設鹽課提舉

司轄鹽井四重慶綦江市馬之法不見於馬政

知志有漏略也馬湖今馬邊廳施州今施南府

二十六年越嵩蠻阿資復叛與何福討之春曰此賊積年逋誅

者以與諸土酋姻婭輾轉亡匿今悉發諸酋從軍縻繫之而多

設營堡制其出入授首必矣遂趨越州分道逼其城伏精兵道

左以羸卒誘賊縱擊大敗之阿資亡山谷中春陰結旁近土官

訶知所在樹壘斷其糧道賊困甚已出不意擣其巢遂禽阿資

並誅其黨二百四十人越州遂平

越州衛始置於曲靖府平夷縣時移於陸涼州春沐英長

也子

三十年麓川宣慰使思倫發爲其屬刀幹孟所逐來奔春挾與

俱朝受上方略遂拜春爲征虜前將軍帥何福徐凱討之先以

兵送思倫發於金齒檄幹孟來迎不應乃選卒五千令福與瞿
能將踰高良公山直擣南甸大破之斬其酋刀名孟回軍擊景
罕寨賊乘高堅守官軍糧且盡福告急春帥五百騎救之夜渡
怒江旦抵寨下令騎騁揚塵蔽天賊大驚潰乘勝擊崆峒寨亦
潰前後降者七萬人將士欲屠之春不可幹孟乞降帝不許命
春總滇黔蜀兵攻之

春沐春也麓川今日隴川其地東至芒市
百八十里西至千崖八十里南至木邦百

八十里北至南甸六十里與南甸千崖謂之三宣撫金齒衛今
永昌府也高良公山今日高黎共山在騰越州東百二十里東
臨潞江西臨龍川江南甸在永昌西南三百九十里東至潞江
百二十里西至千崖七十里南至隴川北至騰越川七十里景
罕崆峒二寨皆在潞江西南潞江即怒江源
出西藏布哈池逕隴川之東下入阿瓦國

三十一年帝天授智勇統一方夏緯武經文爲漢唐宋諸君所
未及當其肇造之初能沉幾觀變次第經略綽有成算嘗與諸
臣論取天下之略曰朕遭時喪亂初起鄉土本圖自全及渡江